

24 ноября 2013 года. Неделя 22 по Пятидесятнице. Глас 5.  
Мучеников Мины, Виктора, Викентия и мученицы Стефаниды.  
Преподобного Феодора Студита, исповедника.

## **ВСЕНОЩНОЕ БДЕНИЕ. КАНОН:**

### **ПЕСНЬ 1:**

#### **КАНОН ВОСКРЕСНЫЙ, ГЛАС 5:**

**Ирмос:** **Коня и всадника в море Чермное, / сокрушаяй брани / мышцею вы-  
сокою, / Христос истрясёт, / Израиля же спасёт, // победную песнь поющая.**

**Припев:** **Слава, Господи, святому Воскресению Твоему.**

**Тропарь:** **Тебе терноносный еврейский сонм, / любве, Благодетелю, к Тебе не со-  
хрань материя, Христэ, венча, // родоначальника разрешающая терновное  
запрещение.**

**Припев:** **Слава, Господи, святому Воскресению Твоему.**

**Тропарь:** **Воздвигл еси мя падшаго в ров, / преклонься, Жизнодавче Безгрешне: /  
и моея злосмрадныя тли, Христэ, претерпев неискушенно, // Бо-  
жественнаго Существа миром мя облагоухал еси.**

**Припев:** **Пресвятая Богородице, спаси нас.**

**Богородичен:** **Разрешися клятва, печаль преста: / Благословенная бо и Благодатная, /  
верным радость возсия, // благословение всем концем цветоносящи Христа.**

#### **КАНОН БОГОРОДИЦЫ ВОСКРЕСНЫЙ, ГЛАС 5:**

**Припев:** **Пресвятая Богородице, спаси нас.**

**Тропарь:** **Света всельшагося в Тя, Пречистая, / и просвещшаго мир лучами Боже-  
ства, / Христа моли, // просветити вся поющая Тя, Мати Дево.**

**Припев:** **Пресвятая Богородице, спаси нас.**

**Тропарь:** **Яко украшаема добротою добродетелей, Благодатная, / добротворное  
благолепие лучею Духа, // подъяла еси, Всечистая, всяческая удобрившаго.**

#### **КАНОН МУЧЕНИКОВ, ГЛАС 4:**

**Припев:** **Святые мученицы, молитесь Бога о нас.**

**Тропарь:** **Людие священнии с Моисеем славным / и с Мариам, женою мудрою и  
пророчицею, / не глубину Чермную, но ныне, Мины страдальца проходяще  
море подвиг славно, // поем Богу нашему, яко прославися.**

**Припев:** **Святые мученицы, молитесь Бога о нас.**

**Тропарь:** **Яростию прещения и ревностию гнева дыша / свирепогубитель и без-**

законный мучитель,/ яко Христов воин, предстаи изволил еси,/ Мино, благочестия поборниче./ Емуже и светильник явился еси, взывая:// поем Богу нашему, яко прославися.

**Припев:** **Святїи мученицы, молїте Бѳга о нас.**

**Тропарь:** **Егда възвѳшуся, привлеку земнѳя, Ты, Христе, прорекл еси,/ делом же совершил еси,/ мученическия чїны и люди от конец призвав, в радости поущия:// поем Богу нашему, яко прославися.**

**Припев:** **Пресвятая Богородице, спаси нас.**

**Богородичен:** **Жезл Ааронов прозябший, иже от Иессея прообразоваше возрастший корень Тя, Дево,/ нетленный цвет миру возсиявшую, Бѳга воплощенна./ Егоже о нас, Богородице, моли,// присно прибегающих к Тебе.**

**КАНОН ПРП. ФЕОДОРА СТУДИТА, ГЛАС 8:**

**Припев:** **Преподобне отче Феодоре, моли Бѳга о нас.**

**Тропарь:** **Светолучными блистании Духа Святаго освещаемь,/ всесветлый столп, отче, был еси,/ путеводя, Богоглаголиве, к земли обещания Богомудренно тщацияся,// тайнниче неизреченных Феодоре.**

**Припев:** **Преподобне отче Феодоре, моли Бѳга о нас.**

**Тропарь:** **Всерадостно неослабными мановении к Бѳгу исходя,// прежде конца явился еси,/ мертвостию жизнорочною одеян, преподобне,/ и жизнь нестаряющуюся ныне приял еси достойно,// отче Богоносе Феодоре.**

**Слава Отцу, и Сыну, и Святому Духу.**

**Тропарь:** **Победив страстей играня/ и мучителей стремления юношески, блаженне,/ вся укорил еси, мужество показав,/ Христов образ чтити научая, Богоприятне,// и святых воображения.**

**И ныне и присно и во веки веков, аминь.**

**Богородичен:** **Слова Божия воплощенна родила еси,/ Иже прежде безплотнаго,/ Богомужно в мире пожившаго преестественно,/ Всенепорочная Богородице Дево,// Тем Тя вси почитаем, по Бозе Предстательницу нашу.**

**КАТАВАСИЯ, ГЛАС 4:**

**Хор:** **Отверзу уста моя,/ и наполнятся Духа,/ и слово отрыгну Царице Матери,/ и явлюся, светло торжествуя,// и воспою, радуясь, Тоя чудеса.**

### ПЕСНЬ 3:

#### КАНОН ВОСКРЕСНЫЙ, ГЛАС 5:

**Ирмос:** **Водрузи́вый на ничесо́мже зéмлю повелéнием Твои́м,/ и по-веси́вый неоде́ржи́мо тяготе́ющую/ на недви́жимем, Христé, ка́мени за́поведей Твои́х,// Цéрковь Твою́ утверди́, Еди́не Бла́же и Человеко-лю́бче.**

**Припев:** **Сла́ва, Го́споди, свято́му Воскресе́нию Твоему́.**

**Тропа́рь:** **Желчь́ у́бо и́же из ка́мене мед сса́вшии,/ в пусты́ни чудо-де́йствовавшему Тебе́ принесо́ша, Христé:/ о́цет же за ма́нну воз благо-дея́ние Ти возда́ша// о́троцы Изра́илевы неблагода́рнии.**

**Припев:** **Сла́ва, Го́споди, свято́му Воскресе́нию Твоему́.**

**Тропа́рь:** **И́же дрéвле светови́дным о́блаком покрыва́еми,/ Живо́т во грóбе Хри-ста́ положи́ша:/ но самовла́стно воскре́с, всем ве́рным подаде́// та́йно осе-ня́ющее свы́ше Ду́ха сия́ние.**

**Припев:** **Пресвята́я Богоро́дице, спаси́ нас.**

**Богоро́дичен:** **Ты Ма́ти Бо́жия несочета́нно родила́ еси́,/ И́же от Нетле́нна Отца́ воз-сия́вшего, кроме́ боле́зней ма́терних:/ те́мже Ты, Богоро́дицу, воплоще́нна бо родила́ еси́ Сло́ва,// правосла́вно пропове́дуем.**

#### КАНОН БОГОРО́ДИЦЫ ВОСКРЕСНЫЙ, ГЛАС 5:

**Припев:** **Пресвята́я Богоро́дице, спаси́ нас.**

**Тропа́рь:** **Ле́ствица, Ё́уже к нам снíде Вы́шний,/ истле́вшее естество́ испра́вити,/ Ты я́вственна, Чи́стая, всем ны́не ви́дена была́ еси́:// Тобо́ю бо Преблаги́й ми́рови бесе́довати благоволи́.**

**Припев:** **Пресвята́я Богоро́дице, спаси́ нас.**

**Тропа́рь:** **Е́же дрéвле преду́ставленное, Де́во, таи́нство,/ и прэ́жде век про-ви́димое вся ве́дущему Бо́гу,/ ле́том ны́не напоследок в ложесна́х Твои́х, Всенепоро́чная,// конéц прие́м яви́ся.**

#### КАНОН МУ́ЧЕНИКОВ, ГЛАС 4:

**Припев:** **Святи́и му́ченицы, моли́те Бо́га о нас.**

**Тропа́рь:** **Гони́мь премудры́ми твои́ми словеси́,/ мучи́тель/ тя ураня́ет неща́дно сурóвыми жи́лами говя́жиими,// мнев си́ми преклони́ти тя, му́чениче непобе́ди́ме.**

**Припев:** **Святи́и му́ченицы, моли́те Бо́га о нас.**

**Тропарь:** **Взира́я очесы́ умными ко Го́споду,/** плотскія неудобостерпныя мук  
тяжести претерпел еси́// нра́вом до́блественнейшим, достосла́вне.

**Припев:** **Святы́и му́ченицы, моли́те Бо́га о нас.**

**Тропарь:** **Не убо́явся муче́ний зело́ боле́зненных,/** дыша́ ре́вностию Бо-  
же́ственною,/ к подвиго́м отлучи́лся еси́, зовы́й:// не́ищемь, приидо́х са-  
мозва́н.

**Припев:** **Пресвята́я Богоро́дице, спаси́ нас.**

**Богородичен:** **От а́довых мя врат из Тебе́ Воплоще́йся возведе́,/** дре́ва вку́сом лу-  
ка́вым умерщвлённаго, Всенепоро́чная, // сме́рть во́льную прие́мый.

**КАНО́Н ПРП. ФЕО́ДОРА СТУДИ́ТА, ГЛАС 8:**

**Припев:** **Преподо́бне о́тче Феодо́ре, моли́ Бо́га о нас.**

**Тропарь:** **Вжи́ляемь Христо́вым, всеблаже́нне, всеору́жием,/** язв боле́зни претер-  
пел еси́,/ ураня́емь лю́те и в темни́це заклю́аемь, // я́ко о́бщник страсте́й  
и Ца́рствия был еси́.

**Припев:** **Преподо́бне о́тче Феодо́ре, моли́ Бо́га о нас.**

**Тропарь:** **Богопокрыва́емь я́ве и Того́ ре́вностию разжигáемь,/** скве́рная уче́ния  
беззако́нных разруши́л еси́ тво́ими уче́нии, всему́дре, // благода́тию бо от  
Бо́га, о́тче, обогати́вся досто́йно.

**Сла́ва Отцу́, и Сы́ну, и Свято́му Ду́ху.**

**Тропа́рь:** **В виде́нии де́лателей,/** в дея́нии Богосло́в был еси́ нам, Богоглаго́ливе,/  
по́стник учи́телен, священномученик сла́вен, // Правосла́вия столп, Це́ркве  
утвержде́ние.

**И ны́не и прѣсно и во ве́ки веко́в, ами́нь.**

**Богородичен:** **Соприсносу́щное Отцу́ и Ду́ху Бог Сло́во/** обновѣти восхотѣв родона-  
ча́льника,/ по Ипостáси того́ из Тебе́, Чи́стая, при́ят, // святе́йшу всех Тя,  
Богома́ти, обрѣт.

**КАТАВА́СИЯ, ГЛАС 4:**

**Хор:** **Тво́я песносло́вцы, Богоро́дице,/** Живы́й и Незавѣстны́й Ис-  
то́чнице,/ лик себе́ совоку́пльшия, духо́вно утверди́,/ в Божѣственной  
Тво́ей сла́ве // венце́в сла́вы сподо́би.

**ЕКТЕНИ́Я МА́ЛАЯ...**

**КОНДАК МУЧЕНИКОВ, ГЛАС 4:**

**В**оинства исхити привременнаго/ и нетленнаго показати Небеснаго общника,/ страсотерпче Мино, Христос, Бог наш,// Иже мучеников нетленный венец.

**Икос:**

**В**еликаго ходатай нам есть веселия память мучеников,/ на страсти мужество/ и победу на враги показующи/ в светлом и радостном исповедании благодати./ Приидите убо в ней, празднolibцы вси, и возвеселимся,/ время нашего веселия лучшее и пребывающее,/ Мины страдальца память совершающе/ и приемлюще страстей разрешения дар:/ сего же датель Христос Бог есть,// мучеников нетленный венец.

**КОНДАК ПРЕПОДОБНОГО ФЕОДОРА СТУДИТА, ГЛАС 2:**

**П**остническое и равноангельное житие твое/ страдальческими уяснил еси подвиги/ и Ангелом совсельник, Богоблаженне, явился еси, Феодоре. С ними Христу Богу моляся// не престаи о всех нас.

**Икос:**

**П**остников светлую доброту,/ Церкви Христовы утверждение,/ ныне Феодора восхвалим:/ новый бо столп огнен явился,/ попяля главы еретичествующих,/ верных же просвещая души к вере правей,/ в Божественный град, Вышний Иерусалим,/ якоже другого Израиля, вводя./ К немуже согласно возопием:/ всеблаженне отче,// не забуди, Христу моляся непрестанно о всех нас.

**СЕДАЛЕН МУЧЕНИКОВ, ГЛАС 8:**

**И**же прежде неведения тьмою лютою, Богомудре мучениче Мино, одержимый Египет/ возсия ты, светильника всемирна,/ безбожия ночь крепко отгоняща зарями, блаженне,/ Божественных подвиг твоих./ Тем, светоносный и честный твой день светло празднующе, прилежно зовем ти:/ страдальцев удобрение, моли Христа Бога// грехов оставление подати чтущим любовью святую память твою.

**Слава Отцу и Сыну и Святому Духу.**

**СЕДАЛЕН ПРЕПОДОБНОГО ФЕОДОРА СТУДИТА, ГЛАС 3:**

**Б**ожественными догматы обогатився,/ веру соблюл еси Православия,/ предбедствовав за ню, Феодоре,/ в заточениях пострадав и биениях,/ в темницах претерпев озлобления,/ отче преподобне, Христа Бога моли//

дарова́ти нам ве́лию ми́лость.

**И ны́не и прѣсно и во ве́ки веко́в. Ами́нь.**

**БОГОРО́ДИЧЕН ИЗ МИНЕ́И, ГЛАС 3:**

**Божество́нная ски́ния была́ еси́ Сло́ва,/ еди́на Пречи́стая Де́во Ма́ти,/ чистото́ю А́нгелы превозше́дшая,/ па́че всех мене́ персть бѣ́вша, оскверне́на плотски́ми прегреше́ньми,/ очисти моли́тв Твои́х Божество́нными вода́ми,// подаю́щи, Чи́стая, ве́лию ми́лость.**

**ПЕСНЬ 4:**

**КАНО́Н ВОСКРЕ́СНЫЙ, ГЛАС 5:**

**Ирмо́с:** **Божество́нное Твое́ разумѣв исто́щание/ прозорли́во, Авваку́м, Христе́, со трѣпетом вопи́яше Тебе́:/ во Спасе́ние люде́й Твои́х// спасти́ пома́занныя Твоя́ пришѣл еси́.**

**Припев:** **Сла́ва, Го́споди, свято́му Воскресе́нию Твоему́.**

**Тропа́рь:** **Я́же от Ме́рры горча́йшыя во́ды,/ я́ко во о́бразе проначертáя Пречи́стый Крест Твой, Бла́же,/ грехо́вное умерщвля́ющ вкуше́ние,// дре́вом услади́л еси́.**

**Припев:** **Сла́ва, Го́споди, свято́му Воскресе́нию Твоему́.**

**Тропа́рь:** **Крест за дре́во разу́мное,/ за сла́дкую же пи́щу желчь, Спа́се мой, прия́л еси́,// за тле́ние же сме́рти кровь Твою́ Божество́нную излия́л еси́.**

**Припев:** **Пресвята́я Богоро́дице, спаси́ нас.**

**Богоро́дичен:** **Кроме́ у́бо сочета́ния зачала́ еси́ нетле́нно во чре́ве,/ и без боле́зни родила́ еси́,// и по Рожде́ствѣ, Де́ва, Бо́га плоти́ю ро́ждши, сохра́нилася еси́.**

**КАНО́Н БОГОРО́ДИЦЫ ВОСКРЕ́СНЫЙ, ГЛАС 5:**

**Припев:** **Пресвята́я Богоро́дице, спаси́ нас.**

**Тропа́рь:** **Сѣрдцем и умо́м, душо́ю же и усты́/ испове́дую всеблагоче́стно Тя, Богоро́дицу войсти́нну, Чи́стая,/ спасе́ния плод объе́мля,// и спаса́юся Де́во, моли́твами Твои́ми.**

**Припев:** **Пресвята́я Богоро́дице, спаси́ нас.**

**Тропа́рь:** **Сзда́вый от не су́щих вся́ческая,/ от Тебе́, Чи́стая, созда́тися я́ко Благоде́тель, благоволи́,// на Спасе́ние ве́рою и любо́вию Тя пою́щих, Все́непорочная.**

**КАНО́Н МУ́ЧЕНИКОВ, ГЛАС 4:**

**Припев:** **Святѣи мученицы, молѣте Бѣга о нас.**

**Тропарь:** Кроплѣнием твоѣх кровѣй погасѡша ўглие многобѣжия,/ полк же дѣмонскій погрузи́ся,/ Христо́ва же напои́ся Цѣрковь,// страсотѣрпче всеблаже́нне Ми́но, хва́лящи тя.

**Припев:** **Святѣи мученицы, молѣте Бѣга о нас.**

**Тропарь:** **И**же на дрѣве повѣшением образу́еши страсть,/ Крестѡм зми́я, мучениче, го́рькаго умертви́вша,/ строгáния терпи́ши, ходáтайствующия тебе́ наслажде́ние,// иже на Небесѣх дѡблественнейше.

**Припев:** **Святѣи мученицы, молѣте Бѣга о нас.**

**Тропарь:** Пáче естества́ болѣзней, страда́льче, искуше́ние при́ял еси́,/ и Божѣственное раче́ние, твоѣ удержа́вши естество́, забвѣние при́яти тво́ряше,// поущáя тя простира́тися к рáнам, веселя́щася.

**Припев:** **Пресвятáя Богорѡдице, спаси́ нас.**

**Богорѡдичен:** Воплоще́нна неизрече́нно, Бѣга родила́ еси́,/ от Твоѣх кровѣй дом Себе́ созда́вшаго,/ во двух существáх и хотѣниих зна́емаго Боголѣпно, Неискусобра́чная.

**КАНО́Н ПРП. ФЕО́ДОРА СТУДѢТА, ГЛАС 8:**

**Припев:** **Преподѡбне ѡтче Феѡдоре, моли́ Бѣга о нас.**

**Тропарь:** Дар Бѣжий да́лся еси́ ми́ру тезоименѣит, богáтыми дарми́ сияющ,/ я́ко истѡчник имѣяй ѣстинно озарѣний сущих, блаже́нне Феѡдоре./ Тем учѣтелем, по́стником и свидѣтелем// сликовствовáти мнѡжеству сподѡбился еси́.

**Припев:** **Преподѡбне ѡтче Феѡдоре, моли́ Бѣга о нас.**

**Тропарь:** **О**, твѣрдаго и крѣпкаго твоегѡ противлѣния!/ Ёмже мучѣтелей свирѣпство попрáл еси́,/ егѡже рáди я́вственно ты пáче ума́/ благоначáльства конѣчное блаже́нство пости́гл еси́, Богому́дре,/ со Безтелѣсными по́я:// си́ле Твоѣй сла́ва, Человеколю́бче.

**Сла́ва Отцѹ, и Сѣ́ну, и Святѡму́ Дѹху.**

**Тропарь:** Глаго́л Бѣжий в тебе́ я́вственнейше всѣлся,/ догма́тов, премѹдре Феѡдоре, ре́ки то́чит обѣльно:/ те́ми же ны́не наслажда́ющася, ученицы́



твой, Богодухновенне,/ благодарно вопиём гласы немолчными:// силе  
Твоей слава, Человеколюбче.

**И ныне и присно и во веки веков, аминь.**

**Богородичен:** **Всего** в Тебе обновляет человека,/ весь всему, Всечистая, соединяемь,/ Иже, Отческих недр не отступль, и в Твое чрево вселиться изволи,/ бо-  
гатством благоутробиа вольно обнищав// и обогатив мир Божеством.

**КАТАВАСИЯ, ГЛАС 4:**

**Хор:** **Седяй** в Славе/ на Престоле Божества/ во облаце легце,/ прииди  
Иисус Пребожественный,/ Нетленную Дланию/ и спасе зовущия://  
слава, Христэ, силе Твоей.

**ПЕСНЬ 5:**

**КАНОН ВОСКРЕСНЫЙ, ГЛАС 5:**

**Ирмос:** **Одейся** Светом, яко ризою,/ к Тебе утреннюю, и Тебе зову:/ душу  
мою просвети омраченную, Христэ,// яко Един Благоутробен.

**Припев:** **Слава, Господи, святому Воскресению Твоему.**

**Тропарь:** **Иже** славы Господь в неславне зраце,/ на древе обезчещен волею  
висит,// о божественней мне славе несказанно промышляя.

**Припев:** **Слава, Господи, святому Воскресению Твоему.**

**Тропарь:** **Ты** мя преоблекл еси в нетление, Христэ,/ тли смертныя неистленно  
плотию вкуш,// и возсияв из гроба тридневен.

**Припев:** **Пресвятая Богородице, спаси нас.**

**Богородичен:** **Ты** правду же и избавление нам рождши Христа без семени,// свободно  
содяла еси от клятвы, Богородице, естество праотца.

**КАНОН БОГОРОДИЦЫ ВОСКРЕСНЫЙ, ГЛАС 5:**

**Припев:** **Пресвятая Богородице, спаси нас.**

**Тропарь:** **Вси** пророцы Тя яже предвозвестisha/ хотящую бити Божию Матерь,  
Богородице Чистая:// едина бо обрелася еси, Чистая, совершенна Непор-  
очная.

**Припев:** **Пресвятая Богородице, спаси нас.**

**Тропарь:** **Светел** облак Тя животныя воды,/ нам тучу нетления Христа одо-  
ждивший отчаянным,// Чистая, познаваем.



**КАНОН МУЧЕНИКОВ, ГЛАС 4:**

**Припев:** **Святїи мученицы, молїте Бóга о нас.**

**Тропарь:** **Свидѣтельства облистáв свѣтлыми лучáми,/ омрачїв тѣмное безбóжие, всемúдре,/ просветїл есї вѣрных исполнѣния,// воспевáющих тя, всехвáльне.**

**Припев:** **Святїи мученицы, молїте Бóга о нас.**

**Тропарь:** **Исчезѣ всякое примышлѣние врагóв крѣпким твоїм терпѣнием,/ ни глад бо, ни рáны, ни опалѣние,// ни трезубец озлоблѣние твоегó усѣрдия помрачїша.**

**Припев:** **Святїи мученицы, молїте Бóга о нас.**

**Тропарь:** **Вѣрою огрáждся, яко сóлнце лучáми,/ в пустыню вселїлся есї/ и грады вся просветїл есї,// проповѣдая Христá, Сýна Бóжия, в плóти прїшедшаго, слáвне.**

**Припев:** **Пресвятáя Богорóдице, спасї нас.**

**Богорóдичен:** **Новотворїт истлѣвша мя, раждáемый из Тебѣ пáче естества Избáвитель,/ дрѣвняя мя клáтвы свобожда́я, Богомáти Чїстая,// Егóже моли спасти́ мя.**

**КАНОН ПРП. ФЕÓДОРА СТУДЇТА, ГЛАС 8:**

**Припев:** **Преподóбне óтче Феóдоре, моли́ Бóга о нас.**

**Тропарь:** **Ум, и дýшу, и тѣло слóвом очїстив,/ храм всечѣстен Бóга всех был есї, жив же и одушевлѣн,/ благовóнїя жѣртву, всего́ себѣ Христý принося́, óтче,// иерей и жѣртва быв.**

**Припев:** **Преподóбне óтче Феóдоре, моли́ Бóга о нас.**

**Тропарь:** **Осия́емь, блажѣнне, зарѣю Дýха,/ всем возблиста́л есї Богослóвным язýком Трóичный Свет пречїстый,// воплощѣния же е́же пáче умá Бóжия Слóва неизречѣнное, óтче, таїнство.**

**Слáва Отцý, и Сýну, и Святóму Дýху.**

**Тропарь:** **Разумно со А́нгелы нýне водворя́яся,/ Христá моли́ страстѣй и бед избáвити/ блажáщия и чтýщия всечестнýю и Божѣственную пáмь стрáданий твоїх,// Богонóсе Феóдоре.**

**И нýне и прїсно и во вѣки веко́в, амїнь.**

**Богородичен:** **Неизглаго́ланным, Дѣво, образом/ Сын Божий, в Тя вселѣвся, Человѣк**  
быва́ет,/ прѣжде век из Отца́ возсия́вый,/ челове́ка от тли избавля́ет// и к  
жизни и нетлѣнию возведѣ́, я́ко еди́н Благоутро́бен.

**КАТАВА́СИЯ, ГЛАС 4:**

**Хор:** **Ужасо́шася вся́ческая/ о Божѣственней сла́ве Твоѣй:/ Ты бо, Неис-**  
**кусобра́чная Дѣво,/ имѣла еси́ во утробѣ над все́ми Бѣга/ и родила́ еси́**  
**Безлѣтнаго Сы́на,/ всем воспѣва́ющим Тя// мир подава́ющая.**

**ПЕСНЬ 6:**

**КАНО́Н ВОСКРЕ́СНЫЙ, ГЛАС 5:**

**Ирмо́с:** **Неисто́вствующееся бу́рею душетлѣнною,/ Влады́ко Христѣ, стра-**  
**стей мо́ре укроти́,// и от тли возведи́ мя, я́ко Благоутро́бен.**

**Припев:** **Сла́ва, Го́споди, свято́му Воскресѣ́нию Твоему́.**

**Тропа́рь:** **В** тлѣние попо́лзся родонача́льник, Влады́ко Христѣ,/ преслу́шаннаго  
бра́шна вкуш,// и к животу́ возведѣ́н бысть стра́стию Твоѣю.

**Припев:** **Сла́ва, Го́споди, свято́му Воскресѣ́нию Твоему́.**

**Тропа́рь:** **Живо́т низше́л еси́ ко а́ду, Влады́ко Христѣ,/ и тлѣние растлѣ́вшему**  
быв,// тлѣнием источи́л еси́ Воскресѣ́ние.

**Припев:** **Пресвята́я Богоро́дице, спаси́ нас.**

**Богородичен:** **Дѣва роди́, и ро́ждши пребы́ть чиста́,/ на руку́ нося́щаго вся́ческая,//**  
я́ко войсти́нну Дѣва Ма́ти понѣсшая.

**КАНО́Н БОГОРО́ДИЦЫ ВОСКРЕ́СНЫЙ, ГЛАС 5:**

**Припев:** **Пресвята́я Богоро́дице, спаси́ нас.**

**Тропа́рь:** **И́же все́му ви́новный, и е́же бы́ти всем пода́вый,/ я́ко ви́новну имя́ше**  
воплоща́емь, е́же по нам,// Тя, Богома́ти Всенепоро́чная.

**Припев:** **Пресвята́я Богоро́дице, спаси́ нас.**

**Тропа́рь:** **Исцелѣ́ний, Влады́чице, душепита́тельный точа́щий исто́чник/ ве́рно**  
притека́ющим к покрѣ́ву Твоему́ благосла́вному,// ве́мы Тя, Всенепоро́чная.

**КАНО́Н МУ́ЧЕНИКОВ, ГЛАС 4:**

**Припев:** **Святы́и му́ченицы, моли́те Бѣга о нас.**

**Тропа́рь:** **Безболѣ́знен пребыва́еши, огнем изнуря́емь/ и влася́ными претира́емь**  
язвы́ рѣ́бищи:// Божѣственная бо благода́ть, спрису́тствующи, Мѣно,  
укрепля́ше.

**Припев:** **Святїи мученицы, молїте Бóга о нас.**

**Тропарь:** **Предстоїши пред судїщи мучїтелей, судїмь,/ и, лєсть обличая, Мїно всеприснопамятне,// тебє самáго столп благочестїя вѣрным подая.**

**Припев:** **Святїи мученицы, молїте Бóга о нас.**

**Тропарь:** **Пóты твоїх боренїй лєсть изсушил есї їдольскую,/ тебє самáго храм создал есї Честнїя Трїицы,// страсотѣрпче Мїно досточудне.**

**Припев:** **Пресвятая Богородице, спасї нас.**

**Богородичен:** **Уврачї неисцельныя страсти, Всенепорочная,/ душї моея бѣлием Твоея благасти,// благаго Спаса Христа сущим в мїре рождшая.**

**КАНОН ПРП. ФЕОДОРА СТУДИТА, ГЛАС 8:**

**Припев:** **Преподобне отче Феодоре, моли Бóга о нас.**

**Тропарь:** **Целомудренно твою жизнь, священноглагольниче, совершил есї,/ правдою же украсився, мужеством и мудростию,/ краснейшую колесницу добродетелей сочетал есї себе,// всеблаженне преподобне.**

**Припев:** **Преподобне отче Феодоре, моли Бóга о нас.**

**Тропарь:** **Благоухают благолепно догматов Божественная словеса твоя/ и из глубины злых ересей вся возводят, всеумдре,// Православия к превѣшней крайности.**

**Слава Отцѹ, и Сѣну, и Святому Духу.**

**Тропарь:** **Воссия тебе свет,/ и сего, отче, содруг веселие ныне светлое яве:/ яко фїникс, бо процвел есї, всеблаженне Феодоре,// и, яко кедр, умножился есї, досточудне.**

**И ныне и присно и во веки веков, аминь.**

**Богородичен:** **Да избавимся от лютых прегрешений мольбами Твоими, Богородительнице Чїстая,/ и да улучим, Пресвятая, Божественного осияния// из Тебе неизреченно воплощенного Сѣна Божия.**

**КАТАВАСИЯ, ГЛАС 4:**

**Хор:** **Божественное сие и всечестное/ совершающе празднество,/ Богомудрии, Богоматере,/ приидите, руками восплещим,// от Нея рождшагося Бóга славим.**

## ЕКТЕНИЯ МАЛАЯ...

### КОНДАК ВОСКРЕСНЫЙ, ГЛАС 5:

**К**о аду, Спасе мой, сошел еси,/ и врата сокрушивый яко всесилен,/ умерших, яко Создатель, совоскресил еси,/ и смерти жало сокрушил еси,/ и Адам от клятвы избавлен бысть, Человеколюбче;/ темже вси зовем:// спаси нас, Господи.

### ИКОС:

**У**слышавша жены ангеловы глаголы, отложиша рыдание,/ радостны бывша и трепетны, ужас бо видеша,/ и се Христос приближися к ним, глаголя: еже радуйтесь,/ дерзайте, Аз мира победих, и узники свободих,/ потщитесь убо ко учеником, возвещающа им:/ яко варяю вы во граде Галилейстем, еже проповедати.// Темже вси Тебе зовем: спаси нас, Господи.

### ПЕСНЬ 7:

#### КАНОН ВОСКРЕСНЫЙ, ГЛАС 5:

**Ирмос:** **Превозносимый отец Господь/ пламень угаси, отроки ороси, согласно поющия://** Боже, благословен еси.

**Припев:** **Слава, Господи, святому Воскресению Твоему.**

**Тропарь:** **Плотию обложься якоже на удице льщения,/ Божественною Твоею силою змия низвелкл еси//** возводя вопиющия: Боже, благословен еси.

**Припев:** **Слава, Господи, святому Воскресению Твоему.**

**Тропарь:** **Земли непроходное осуществовавый составление,/ во гробе покрывається плотию Невместимый.//** Емуже вси поем: Боже, благословен еси.

**Припев:** **Пресвятая Богородице, спаси нас.**

**Богородичен:** **Едину убо Ипостась во Двою Естеству, Всенепорочная/ родила еси Воплощеннаго Бога.//** Емуже вси поем: Боже, благословен еси.

#### КАНОН БОГОРОДИЦЫ ВОСКРЕСНЫЙ, ГЛАС 5:

**Припев:** **Пресвятая Богородице, спаси нас.**

**Тропарь:** **Неопределенный пребыв Непреложен,/ плоти по Ипостаси соединися, яко Благоутробен, в Тебе Пресвятей://** Иже Един благословен Бог отец наших.

**Припев:** Пресвятая Богородице, спаси нас.

**Тропарь:** Невесту Тя Всенепорочную, Богородице Владычице, согласно славим и Престол Зиждителя Твоего.// Ему же вси поем: Боже, благословен еси.

**КАНОН МУЧЕНИКОВ, ГЛАС 4:**

**Припев:** Святые мученицы, молитесь Бога о нас.

**Тропарь:** Свлекл еси ранами ты кожные ризы греха/ и во одеяние одялся еси,/ не ктому обветшание приемлющее, блаженне,// еже истка благодать явльшиися.

**Припев:** Святые мученицы, молитесь Бога о нас.

**Тропарь:** Разжжением честных, мучениче, и крепких твоих подвигов/ терновое лукавое безбожие пепелится,// кровей же теченьми погашается неведения возвышенный пламень, всеблаженне.

**Припев:** Святые мученицы, молитесь Бога о нас.

**Тропарь:** Имей обильные дары,/ и чудодействия источаеши честный твой праздник совершающим, Мينو досточудне,/ и содействуеши поющим:// Боже отец, благословен еси.

**Припев:** Пресвятая Богородице, спаси нас.

**Богородичен:** Благословен Плод благословеннаго Твоего чрева,/ Егоже благословят Небесныя силы и земных собрания,// Иже нас избавивый клятвы древняя, Благословенная.

**КАНОН ПРП. ФЕОДОРА СТУДИТА, ГЛАС 8:**

**Припев:** Преподобне отче Феодоре, моли Бога о нас.

**Тропарь:** Видев Провидец твоего разума чистоту,/ словесных ты овец пастыря, отче, предлагает,/ Ему же ныне, всеблаженне, зовещи, Феодоре, веселяся:// благословен Бог отец наших.

**Припев:** Преподобне отче Феодоре, моли Бога о нас.

**Тропарь:** Божественному подобию образа, преблаженне,/ вочеловечения Христа, поклоняяся, пребываеши,/ богоборцем противляяся даже до крове и поя, Феодоре:// благословен Бог отец наших.

**Слава Отцу, и Сыну, и Святому Духу.**

**Тропарь:** Слово твое солию услаждено явися, всебогате,/ и житие твое, отче, просвещено зарею Духа,/ Иже ныне блистаяся, вопиеши, радуяся:// благословен Бог отец наших.

**И ныне и присно и во веки веков, аминь.**

**Богородичен:** Се ныне исполнися Давида Божественнаго Божественное проречение:/ молятся истинно Твоему лицу, Богородительнице Чистая,/ имущии богатство благодати ныне, // благословяще Бога отец наших.

**КАТАВАСИЯ, ГЛАС 4:**

**Хор:** Не послужиша твари Богомудрии/ паче Создавшаго,/ но, огненное прещение мужески поправше,/ радовахуся, поюще:// препетый отец Господь и Бог, благословен еси.

**ПЕСНЬ 8:**

**КАНОН ВОСКРЕСНЫЙ, ГЛАС 5:**

**Ирмос:** Тебе, Вседетелю,/ в пещи отроцы, всемирный лик сплетше, пояху:/ дела всякая, Господа пойте // и превозносите во вся веки.

**Припев:** Слава, Господи, святому Воскресению Твоему.

**Тропарь:** Ты о вольней спасительныя страсти помолился еси чаши, якоже невольней:// два хотения, двема бо по коемуждо носиши существа, Христе, во веки.

**Припев:** Слава, Господи, святому Воскресению Твоему.

**Тропарь:** Твоим вседетельным схождением ад, Христе, поруганный/ изблевав вся, яже древле лестию умерщвленныя, // Тебе превозносящия во вся веки.

**Припев:** Пресвятая Богородице, спаси нас.

**Богородичен:** Ты яже паче ума/ богомужне словом Родшую Господа, и девствующую, // вся дела, Дево, благословим, и превозносим во вся веки.

**КАНОН БОГОРОДИЦЫ ВОСКРЕСНЫЙ, ГЛАС 5:**

**Припев:** Пресвятая Богородице, спаси нас.

**Тропарь:** Преста ныне яже протчая печаль,/ радость приемши Ти Богоматерни./ Темже непрестанно поем Тя, Дево, // и превозносим во вся веки.

**Припев:** Пресвятая Богородице, спаси нас.

**Тропарь:** Поет с нами безплотных собор, Дево/ Рождество Твое непостижимое,/ един лик составльше любовью, // и превозносяще Его во веки.

**КАНОН МУЧЕНИКОВ, ГЛАС 4:**

**Припев:** Святити мученицы, молитесь Бога о нас.

**Тропарь:** Венечник, Мино, явился еси,/ враги Креста Господа твоего, низложив

убо, посрамил еси/ и вопиял еси, всеблаженне:/ вся дела Господа пойте и превозносите Его во веки.

**Припев:** **Святїи мученицы, молїте Бѳга о нас.**

**Тропарь:** Дївна творя Бог в памяти твоей,/ источая нам мощми твоими душевная исцеления и телесная, вопиющим:// вся дела Господа пойте и превозносите Его во веки.

**Припев:** **Святїи мученицы, молїте Бѳга о нас.**

**Тропарь:** Принесл еси Богу служение твоё/ и на земли, преклонив главу твою,/ мечем приял еси отсечение, мучениче, зовый:// вся дела Господа пойте и превозносите Его во веки.

**Припев:** **Пресвятая Богородице, спаси нас.**

**Богородичен:** Девствует чрево и рождши Сына,/ Егоже без семени от Святаго Духа зачат,/ Бога неописанна, в плоть облечшаяся, Отцу собезначальна Слова.// Егоже вся дела, яко Господа, поют и превозносят во веки.

**КАНОН ПРП. ФЕОДОРА СТУДИТА, ГЛАС 8:**

**Припев:** **Преподобне отче Феодоре, моли Бѳга о нас.**

**Тропарь:** Прогнаны показал еси, Богоносе Феодоре, обретатели злочестивых ересей,/ уча пречистый чтити образ Христов,/ поклонятися же и честно почитати Богомудренно и пети Владыце:/ священницы, благословите,// людие, превозносите Его во веки.

**Припев:** **Преподобне отче Феодоре, моли Бѳга о нас.**

**Тропарь:** Во всем житии твоём, Богоглаголив Феодоре,/ Православия путевождь был еси,/ светильник светлейший, Боговидный учитель,/ образ монахов и известен законописец, научая воспевати:/ священницы, благословите Владыку Христа// и превозносите Его во веки.

**Благословим Отца, и Сына, и Святаго Духа, Господа.**

**Тропарь:** На земли подвизался еси благочестия защитник/ и неправды нелицейный обличитель, всеблаженне, быв, яко дар Божий,/ и на Небесех правды венчался еси венцы,/ течение совершил еси и веру соблюл еси,// превознося Христа во веки.

**И ныне и присно и во веки веков, аминь.**

**Богородичен:** Благословенная Пречистая, души моя струпы и греха язвы очисти:/



Бóга бо рóждшая, сýщаго над всéми, Отрокови́це Чíстая,/ из дéвственныя неискусобра́чныя утрóбы.// Егóже благословíт вся тварь и превозно́сит во вся вéки.

КАТАВА́СИЯ, ГЛАС 4:

**Хор:** Хва́лим, благослови́м, покланя́емся Го́сподеви, пою́ще и превозно́сюще во вся вéки.

О́троки благочести́выя в пéщи/ Рождество́ Богоро́дичо спасло́ есть;/ тогда́ убо образу́емое,/ ны́не же дéйствиемое,/ вселéнную всю воздвиза́ет пéти Тебе́:/ Го́спода по́йте, дела́,// и превозно́сите Егó во вся вéки.

**Диакон:** Богоро́дицу и Ма́терь Свéта в пéснях возвели́чим.

ПЕСНЬ ПРЕСВЯТО́Й БОГОРО́ДИЦЫ:

**Хор:** Вели́чит душа́ Моя́ Го́спода,/ и возра́довася дух Мой о Бóзе Спа́се Моём.  
Че́стнейшую Херувíм/ и Сла́внейшую без сравне́ния Серафíм,/ без ислéния Бóга Сло́ва рóждшую,/ сýщую Богоро́дицу, Тя велича́ем.

Я́ко призре́ на смире́ние рабы́ Своея́,/ се бо от ны́не ублажа́т Мя вси рóди.

Че́стнейшую...

Я́ко сотвори́ Мне вели́чие Си́льный,/ и свято́ Ё́мя Егó, и ми́лость Егó в рóды родóв бо́ящимся Егó.

Че́стнейшую...

Сотвори́ держа́ву мы́шцею Своею́,/ расточи́ го́рдая мы́слию се́рдца их.

Че́стнейшую...

Низложи́ си́льныя со престóл, и вознесе́ смире́нныя;/ а́лчущия испóлни благ, и богаты́яся отпусти́ тщи.

Че́стнейшую...

Восприя́т Изра́иля о́трока Своегó, помяну́ти ми́лости,/ я́коже глаго́ла ко отце́м на́шим, Авра́аму и се́мени егó, да́же до вéка.

Че́стнейшую...

ПЕСНЬ 9:

КАНО́Н ВОСКРЕ́СНЫЙ, ГЛАС 5:

**Ирмо́с:** Иса́ие, лику́й,/ Дéва имé во чре́ве/ и роди́ Сы́на Емману́ила,/ Бóга же и Челове́ка,/ Восто́к и́мя Емú,/ Егó же велича́юще,// Дéву ублажа́ем.

**Припев:** Сла́ва, Го́споди, свято́му Воскресе́нию Твоему́.

**Тропарь:** Пáдшаго челове́ка восприя́л еси́, Влады́ко Христе́, из ложесн Де-  
ви́ческих/ всему́ совоку́плься, греху́ же ни еди́ному прича́щся:// всего́ от  
истле́ния Ты свободи́л еси́ пречи́стыми Твои́ми страстьми́.

**Припев:** Сла́ва, Го́споди, свято́му Воскресе́нию Твоему́.

**Тропарь:** Боготóчною крóвию истоще́нною, Влады́ко Христе́,/ от Твои́х пре-  
чи́стых ребр и животворя́щих,/ же́ртва у́бо преста́ идо́льская,// вся же  
земля́ Тебе́ хвале́ния же́ртву прино́сит.

**Припев:** Пресвята́я Богоро́дице, спаси́ нас.

**Богородичен:** Не Бо́га безплóтна, ниже́ па́ки челове́ка прóста/ произведе́ Чи́стая От-  
рокови́ца, и Нескве́рная:/ но Челове́ка соверше́нна, и нелóжно соверше́нна  
Бо́га.// Егóже велича́ем со Отце́м же и Ду́хом.

**КАНО́Н БОГОРО́ДИЦЫ ВОСКРЕ́СНЫЙ, ГЛАС 5:**

**Припев:** Пресвята́я Богоро́дице, спаси́ нас.

**Тропа́рь:** От чи́стых крове́й Твои́х/ усыри́ся плоть преесте́ственно/ всех Со-  
де́телю, Единоро́дному Сы́ну Родите́леву,// не от му́жа, без се́мене же у́мна  
и одушевлéнна, Богоро́дице Присноде́во.

**Припев:** Пресвята́я Богоро́дице, спаси́ нас.

**Тропа́рь:** Обходи́мое уста́вила еси́ сме́рти неудержи́мое стремле́ние,/ рóждши  
плóтию войсти́нну па́че ума́ Жизнь вéчную:/ Ёйже прило́жся усты́  
го́рькими ад упраздни́ся,// Пресвята́я Ма́ти Де́во.

**КАНО́Н МУ́ЧЕНИКОВ, ГЛАС 4:**

**Припев:** Святи́и му́ченицы, моли́те Бо́га о нас.

**Тропа́рь:** Возлюби́л еси́ па́че не ме́ньше,/ не́жели возлю́блен был еси́, страсто-  
те́рпче,/ возлю́бленную твою́ ду́шу предложив ра́чителю твоему́, Христу́,//  
с собо́ю просла́вльшему свиде́тельство твое́, приснопамя́тне.

**Припев:** Святи́и му́ченицы, моли́те Бо́га о нас.

**Тропа́рь:** Свещник, све́том трисо́лнечным вжигáемь,/ му́чеников яви́ся три-  
чи́сленная еди́ница,/ Ми́на, и Ви́ктор же, и Викенти́й,// ве́рных просве-  
ща́ющий и мрак де́монский отгоня́ющий.

**Припев:** Святи́и му́ченицы, моли́те Бо́га о нас.

**Тропа́рь:** Приими́ хвалу́, я́ко долг, от усер́дия исходя́щу,/ превосходя́ще тя, Ми́но,

наших словесъ убо всем, // и воздаждь безчисленно от сокровищ твоих дарования.

**Припев:** **Пресвятая Богородице, спаси нас.**

**Богородичен:** Достойно Тя вси, Матерь Царя и Владыки, / древле убо пророчи хваляху, / ныне же апостоли и мученицы, с нами славяще, // Тя, Богородицу величают.

**КАНОН ПРП. ФЕОДОРА СТУДИТА, ГЛАС 8:**

**Припев:** **Преподобне отче Феодоре, моли Бога о нас.**

**Тропарь:** Теченьми твоих слез, яко постник, / и источники кровей, яко свидетель Христов, просветився, / сияеши обоюду светло, правдою, преподобне, одеян, яко священник, / в Божественных жительствуеши лицах, // ныне просвещаемъ в неходных, треблаженне.

**Припев:** **Преподобне отче Феодоре, моли Бога о нас.**

**Тропарь:** Чисте твое житие прешед, / во святых святая селениих ныне живещи, / венец благолепия прием / и царства одеяние великолепное же и священное, / в нихже ныне, озаряемъ, предстоиши Невестнику, // наслаждаяся обожения.

**Слава Отцу, и Сыну, и Святому Духу.**

**Тропарь:** Видети сподобился еси благих источник, Богоносе Феодоре, / яко прешед житие Божественнейшее истинно, / от мирскаго свойства житием чистым ум свободив, // яко свидетель и страстоточец был еси, священне.

**И ныне и присно и во веки веков, аминь.**

**Богородичен:** Явилася еси, о Дево Мати Божия, / паче естества рождши в телеси благое Слово, / Егоже Отец от сердца Своего отрыгну / прежде всех век яко Благ, / Егоже ныне и телес превышша разумеваем, // аще и в тело облечеса.

**КАТАВАСИЯ, ГЛАС 4:**

**Хор:** **Всяк земнородный / да възиграется, Духом просвещаемъ, / да торжествует же Безплотных умов естество, / почитающее священное торжество Богоматере, / и да вопиет: / радуйся, Всеблаженная, // Богородице, Чистая Приснодево.**

**ЕКТЕНИЯ МАЛАЯ...**

**Диакон:** **Свят Господь Бог наш.**

ЕКСАПОСТИЛА́РИЙ ВОСКРЕ́СНЫЙ ОДИ́ННАДЦАТЫЙ:

**П**о Божественном востании,/ тріжды Петра, любиши ли Мя, вопроша́я  
Госпо́дь,/ Свои́х овец предлага́ет пастыренача́льника:/ иже ви́дя, егóже люб-  
ляше Иису́с, во след грядúща,/ вопроша́ше Влады́ку: сей же что?/ А́ще хоцú,  
рече́, пребыва́ти семú,/ дóндеже и па́ки приидú,// что к тебе́, дру́же Пётре?

СВЕТИ́ЛЕН МУ́ЧЕНИКОВ:

**Н**ебеса́ звёзды украша́ют, Иису́се,/ Це́рковь же Ми́на, и Ві́ктор, и Викенти́й  
украша́ют и Стефани́да,// и́хже ра́ди побёды на проти́вныя нам да́руй.

**Сла́ва Отцу́ и Сы́ну и Свято́му Ду́ху.**

СВЕТИ́ЛЕН ПРЕПОДО́БНОГО ФЕО́ДОРА СТУДИ́ТА:

**Я**ко столп одушевлён, яви́лся еси́ догма́тов Правосла́вия благоче́стно,/  
обличив иконобо́рцов прелесть,// тем и, страда́нием совершив испо-  
вёдание, Феодоре, просла́вился еси́.

**И ны́не и прісно и во ве́ки веко́в. Ами́нь.**

БОГОРО́ДИЧЕН ВОСКРЕ́СНОГО ЕКСАПОСТИЛА́РИЯ:

**О** стра́шное та́инство, о пресла́вное чу́до!/ Смерти́ю смерть всеконёчне  
погубле́на бысть./ Кто у́бо не воспоёт; и кто не поклоні́тся Твоему́ воскре-  
се́нию, Сло́ве,/ и чы́сто ро́ждшей Тя плóтию Богороди́це?// Ея́же мо-  
ли́твами, всех ге́енны изба́ви.